

景明刻本古今逸史

五一

神僧傳目錄

第一卷

摩騰

法蘭

世高

僧會

朱士行

訶羅竭

耆域

法朗

佛圖澄

佛調

法慧

第二卷

道安

曇猷

曇翼

曇始

法顯

法曠

慧遠

鳩摩羅什

法安

曇霍

曇邕

僧朗

佛陀耶舍

曇無竭

佛馱跋陀羅

曇邃

登師

寶通

慧紹

悟詮

第三卷

曇無讖

杯渡

曇諦

求那跋摩

僧亮

道生

曇摩密多

求那跋陀羅

慧達

勒那漫提

僧意

道豐

僧稠

寶公

阿禿師

僧達

玄暢

曇超

法度

惠瑱

僧羣

第四卷

慧通

邵碩

法願

寶誌

香闍黎

道琳

嵩頭陀

阿專師

達磨

通公

僧林

慧約

檀特師

植相

陸法和

尚圓

法聰

僧安

傳弘

慧思

第五卷

普明

玄光

明達

道舜

道先

法安

智顗

智曠

法充

慧偁

法喜

普安

道英

法進

僧朗

惠祥

無相

明恭

曇詢

智滿

智晞

惠主

明淨

智噪

知苑

大志

智聰

善道

第六卷

法順

志寬

世瑜

玄奘

法敏

慧璿

豐干

寒山子

拾得

法沖

通達

岑闍黎

慧悟

法融

智勤

道宣

英師

窺基

洪昉

華嚴和尚

清虛

金師

第七卷

慧安

僧伽

惠安

秀師

萬廻

處寂

元珪

通玄

一行

無畏

金剛智

鑒源

義福

真表

明達

法秀

懶殘

西域僧

本淨

懷玉

無相

嵩岳僧

儀光

慧因

普滿

第八卷

地藏

鑒貞

無漏

不空

道昭

玄宗

惠忠

崇惠

靈坦

慧聞

難陀

和和

義師

代病

廣陵大師

靈默

澄觀

隱峰

圓光

智誓

素公

弘道

清公

惟瑛

文爽

鑑空

無著

知玄

第九卷

金剛僊

懷信

知廣

從諫

普聞

懷濬

辛七師

簡師

契此

阿足師

惟靖

齊州僧

蜺子和尚

扣冰古佛

全宰

延壽

全清

自新

法本

點點師

行遵

僧緘

智暉

谷泉

鑛師

志言

宗本

悟新

淨梵

道隆

靈芝

常羅漢

膽巴

神僧傳目錄

畢

神僧傳卷第一

明新安吳琯校

摩騰

釋摩騰本中天竺人也美風儀解大小乘經常以遊
化爲任往天竺附庸小國講金光明經會敵國侵境
騰惟曰經云能說此法爲地神所護使所居安樂今
鋒鏑方始曾是爲益乎乃誓以亾身躬往和勸遂致
二國交歡由是顯譽逮漢永平中明帝夜夢金人飛
空而至乃大集羣臣以占所夢通人傳毅奏曰臣聞
西域有神其名曰佛陛下所夢將必是乎帝以爲然

卽遣郎中蔡愔博士弟子秦景等往天竺尋訪佛法
愔等於彼遇見摩騰要還漢地騰誓志弘通不憚疲
苦冒涉流沙至於錮邑明帝甚加賞接於城西門外
立精舍以處之漢地有沙門自騰始也但大法初傳
未有歸信故蘊其深解無所宣述後卒於錮陽有記
云騰譯四十二章經一卷初緘在蘭臺石室第十四
間中騰所住處今錮陽城西雍門外白馬寺是也相
傳云外國有王嘗毀破諸寺唯招提寺未及毀壞夜
有一白馬繞塔悲鳴卽以啓王王卽停壞諸寺因改
招提以爲白馬故諸寺立名多取則焉

法蘭

竺法蘭中天竺人也自言誦經論數萬章爲天竺學者之師時蔡愔旣至彼國蘭與摩騰共契遊化遂相隨而來旣達雒陽與騰同止少時便善漢言愔於西域獲經卽爲翻譯所謂十地斷結佛本生法海藏佛本行四十二章等五部會移都寇亂四部失本不傳江左唯四十二章經今見在可二千餘言漢地見存諸經唯此爲始也愔又於西域得畫釋迦倚像是優田王旃檀像師第四作旣至雒陽明帝卽令畫工圖寫置清涼臺中及顯節陵上舊像今不復存焉又昔

漢武穿昆明池底得黑灰問東方朔朔云可問西域
梵人法蘭旣至衆追問之蘭云世界終盡劫火洞燒
此灰是也其言有徵信者甚衆後卒於雒陽春秋六
十餘矣

世高

安清子世高安息國王子也幼以孝行見稱加又志
業聰敏尅意好學外國典籍及七曜五行醫方異術
乃至鳥獸之聲無不綜達嘗行見羣燕忽謂伴曰燕
云應有送食者頃之果有致焉衆咸奇之雋異之聲
早被西域讓國出家脩道博曉經藏尤精阿毘曇學

既而遊方遍歷諸國以漢桓初年到中夏通習華言
宣譯諸經多有神迹自稱先身已經出家有一同學
多瞋分衛值施主不稱每輒懟恨高屢加訶諫終不
悛改如此二十餘年乃與同學辭訣云我當往廣畢
宿世之對卿明經精懃不在吾後而性多恚怒命過
當受惡形我若得道必當相度既而適廣州值寇亂
路逢一少年唾手拔刀曰真得汝矣高笑曰我宿命
負卿遠來相償卿之忿怒故是前世時意也乃延頸
受刃容無懼色少年殺之觀者填陌莫不駭其奇異
已而神識還爲安息王太子遊化中國值靈帝末關

洛擾亂乃振錫江南云我當過廬山度昔同學行達
邾音蔡亭湖廟此廟舊有威靈商旅祈禱能分風送船
上下各無畱滯嘗有乞神竹者未許輒取舫卽覆沒
竹還本處自是舟人敬憚莫不懾影高同旅三十餘
船奉牲請福神乃降祝曰舫有沙門可便呼上客咸
驚愕請高入廟神告高曰吾昔外國與子俱出家學
道好行布施而性多瞋怒今爲邾亭廟神周廻千里
竝吾所治以布施故瓌玩甚豐以瞋恚故墮此神報
今見同學悲欣可言壽盡旦夕而醜形長大若於此
捨命穢汙江湖當度山西澤中此身滅後恐墮地獄

吾有絹千疋并雜寶物可爲立法營塔使生善處也
高曰遠來相度何不出形神曰形甚醜異衆人必懼
高曰但出衆不怪也神從牀後出頭乃是大蟒不知
尾之長短至高膝邊高向之梵語數番讚唄數契蟒
悲淚如雨須臾還隱高卽取絹物辭別而去舟侶颺
帆蟒復出身登山而望衆人舉手然後乃滅倏忽之
頃便達豫章卽以廟物爲造東寺高去後神卽命過
暮有一少年上船長跽高前受其呪願忽然不見高
謂船人曰向之少年卽鄭亭廟神得離惡形矣於是
廟神歇矣無復靈驗後人於山西澤中見一死蟒頭